



La Val se mèt i trëi punc te gaiofa mo mëss aspeté cina l'ultim menüt por mèt al sigü le resultat.

L'ultim fin dl'edema é le Gsies ruvé a La Val por l'otava de campionat. La squadra avversara, tumada jö te categoria l'ann denant á porvé cina l'ultim de avalié le resultat, mo á spo msé zede

sön le terzo gol dl La Val. Le derby dl'edema passada á costé deplö infortunns y porchël tröpes asënzes la dumënia dô. L' alenadú Floriani á messü por chësc aporté val mudaziun ala formaziun cun l'injunta bele dal pröm menüt de dui sogadus plö jogn. Plö iadi denant é l'aiüt di sogadus plö jogn sté fundamental por i trëi punc y te ince te chësta partida esi stá d'öga. Ince sce La Val á pité n bel jüch, él indere mancé la determinaziun mostrada tl derby dan otedé.

I prüms menüc dla partida vëgn comaná dala formaziun aversara, la buna posiziun te ciamp y les combinaziuns di sogadus fej jí in confujiun i ladins, che lascia trö massa lerch y röia insciö têt sön le curan. Dô la chert'ora cambia la situaziun y al è i ghesc che se lascia dô fora y i atacanc é bugn de fa presciun sön le portadú dl palê, rovan ince dan porta. La prüma ocasiun d'or röia al 20^ cun la combinaziun tra i dui atacanc ladins, Alex sciampa al defensur y mêt le palê a mez te area por Adrian che ne vega nia la trata al jore y vegn insciö antizipé. Al ne passa nia tröp che i medemi dui atacanc prô ciamó n iade al 35^ a sbloché le resultat. Adrian vëgn sorví cun na passaja filtranta da Alex, le prüm se fej trú dassú cuntra le verda porta y indirizëia le palê sön le pé lunch de porta por le 1 a 0. Dan le pröm tēmp é ciamó na passaja filtranta dl Gsies prigorosa, sön na dijatenziun vëgn la defenjiun taiada fora y le atacant röia sé dan porta a trá, por fortüna röia le curan dlungia ia.

Le pröm temp se röia sön le resultat de 1 a 0 por La Val

La prüma mesora dl secundo tēmp vëgn dominada dai padruns de ciasa. Al vëgn scialdi sughé tl mezciamp aversar y cun gran sostēgn de düta la squadra che se alza, garetel ince tosc le radopl dl resultat. Al 55^ vëgn Stefan sorví da Freddy al limit de area, ôt cun le spiné cuntra porta se girel y sënza sigheté vëghel la trata tl ciantun bass de porta por le 2 a 0. Atira dô é la trata sön puniziun de Marco C. che fej destrá le portier aversar por devié le palê. Le defensur Egon tôl ince coraje y se alza da na pert plö iadi cuntra le ciantun por alzé le palê alt amez, gunot ne se prejentëia indere degügn a rebat te porta. Al 80^ la sóra ocasiun por le Gsies, sön na crossada al limit de area ti sciampa le palê al defensur zentral y ti röia al atacant Laimer che controlëia bun y indirizëia le curan cuntra l'incrujiada de porta, en gol nia aspeté che mêt in prigo le resultat. Na gran ripartënza ti garetá püch dô a Alex, al fej só le palê tl mezciamp ladin y cun velocité se fejel trú cuntra porta, ruvé dan le portier cun le flé rové prôl la trata che röia de püch dlungia porta ia. A renforzé l'atach röia te ciamp Franz Tolpeit che castigheia ciamó

al'ultim menüt de jüch. Le medemo vëgn sorví cun n palê arlungé dal portier Sepl, le sogadú se fej lerch y ti sciampa al defensur, dan che al vëgnes ciamó abiné spizurëiel le curan sön le pé lunch de porta y mêt insciö al sigü le resultat. Püch dô sciüra l'arbiter la fin. La Val se tëgn insciö toch pro la ferata y fej le balz al terzo post de tlassifica.

La Val – Gsiesertal : 3 - 1

Formaziun La Val: 1. Sepl Kantioler, 2. Egon Frenes, 3. Luca Pescollderung 4. Paolo Vallazza, 5. Marco Castlunger, 6. Freddy Sottara, 7. Christian Dapoz, 8. Stefan Sottara - capitan, 9. Adrian Miribung (dal 75^ Felix Nagler), 10. Alex Elzenbaumer, 11. Michele Campeï (dal 70^ Franz Tolpeit)

Goi por La Val: Adrian Miribung 35^, Stefan Sottara 55^ y Franz Tolpeit 90^

Proscima partida:

La Val süga en domënia ai 25 de otober dales 14:30 A Mühlwald cuntra la squadra de ciasa

[Resultac dles atres scuadres](#)

Insëra, mercuri ai 23 de aurì éi gnü sughé l'andata dla semifinala de Copa Provinzia contra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitê portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.